



Broj: 22-44-872-12/17
Datum: 16.06.2017.

Na osnovu člana 100. stav 3. Zakona o javnim nabavkama ("Službeni glasnik BiH" broj: 39/14), člana 8. stav 2. tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), rješavajući po žalbi AQVA BALKAN d.o.o. Konjic na Odluku o izboru najpovoljnijeg ponuđača broj: 22-44-872-7/17 od 09.06.2017. godine u postupku javne nabavke: "Nabavka i isporuka opreme za spašavanje i za krizne situacije", Direktor Kantonalne uprave civilne zaštite Kantona Sarajevo, donosi

ODLUKA **o izboru drugorangirnog ponuđača**

Član 1.

Poništava se Odluka o izboru najpovoljnijeg ponuđača broj: 22-44-872-7/17 od 09.06.2017. godine kojom se Ugovor za javnu nabavku roba: Opreme za spašavanje i za krizne situacije, dodjeljuje Konzorciju FINANC d.o.o. – LUVETI d.o.o., prema ponudi br. 305/17 - FL, dostavljenoj dana 01.06.2017. godine za ponuđenu cijenu od 47.763,26 KM (slovima četrdesetsedamhiljadasedamstotinašezdesettri KM i 26/100) sa PDV-om, kao najpovoljnijem ponuđaču.

Član 2.

Prihvata se preporuka Komisije za javne nabavke i Ugovor za javnu nabavku roba: Opreme za spašavanje i za krizne situacije, dodjeljuje se ponuđaču AQVA BALKAN d.o.o. Konjic prema ponudi dostavljenoj dana: 01.06.2017.godine za ponuđenu cijenu od 49.867,29 KM (slovima: četerdesetdevethiljadaosamstotinašezdesetsedam KM i 29/100) sa PDV-om kao najpovoljnijem ponuđaču.

Član 3.

Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostaviti dokaze o ispunjavanju uslova lične sposobnosti prema članu 45. stav 1. tačka d) kako je zahtijevano tenderskom dokumentacijom za predmetni postupak javne nabavke.

Član 4.

Prijedlog Ugovora o nabavci dostavit će se na potpis izabranom ponuđaču nakon isteka roka od 5 (slovima: pet) dana, računajući od dana kada su svi ponuđači obaviješteni o izboru najpovoljnije ponude.

Član 5.

Ova Odluka objavit će se na internet stranici Kantonalne uprave civilne zaštite Kantona Sarajevo (**www.kucz.ks.gov.ba**), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.



Član 6.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 7.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 22-44-872/17 od 10.05.2017. godine.

Javna nabavka je sprovedena Konkurentskim zahtjevom za dostavu ponuda. Procijenjena vrijednost javne nabavke je do 42.700 KM bez PDV-a Obavještenje o nabavci je objavljeno na Portalu javnih nabavki broj:282-7-1-26-3-10/17, objavljeno dana 11.05.2017. godine, a Tenderska dokumentacija isti dan, objavljena na Portalu javnih nabavki, za ovaj postupak je predviđena e-aukcija.

Komisija za nabavku, imenovana je Odlukom broj: 22-44-872-1/17 od 10.05.2017. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 22-44-872-4/17 od 02.06.2017. godine, Preporuku o izboru najpovoljnijeg ponuđača broj: 22-44-872-5/17 od 08.06.2017. godine i Izvještaj o radu broj: 22-44-872-6/17 od 08.06.2017. godine, u postupku javne nabavke roba: Opreme za spašavanje i za krizne situacije, a prema specifikaciji u Obrazcu za cijenu ponude (Aneks 2).

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je u predmetnom postupku primljeno 2 ponude,
- da je blagovremeno primljeno 2 ponuda,
- da nije bilo neblagovremeno primljenih ponuda,
- ponude ponuđača AQVA BALKAN d.o.o. Konjic i Konzorcij FINANC d.o.o. – LUVETI d.o.o. su kvalifikovane i prihvatljive, dostavljeni su svi traženi dokazi propisani Konkurentskim zahtjevom za dostavu ponude, na propisan način

Komisija za javnu nabavku je u Zapisniku o pregledu i ocjeni ponuda broj: 22-44-872-4/17 od 02.06.2017. godine odredila prihvatljive ponude, iste unijela u sistem i provela e-aukciju dana 08.06.2017 u 11:00 sati u trajanju 15 minuta prema kriteriju iz tenderske dokumentacije.

1	Naziv ponuđača	Konzorcij FINANC d.o.o. i LUVETI d.o.o.	AQVA BALKAN d.o.o.
2	Sjedište i adresa	Augusta Šenoa 16, 88 000 Mostar	Donje polje 42, 88 400 Konjic
3	Ukupna cijena ponude:	40.823,30 KM bez PDV-a	42.621,62 KM bez PDV-a

Iz izvještaja o toku i završetku e-aukcije ponuđač sa najpovoljnijom ponudom prema kriteriju iz tenderske dokumentacije je:

1	Naziv ponuđača	Konzorcij FINANC d.o.o. i LUVETI d.o.o.
2	Sjedište i adresa	Ul. Augusta Šenoa 16, 88 000 Mostar
3	Ukupna cijena ponude :	47.763,26 sa PDV-om



Nakon provedene e-aukcije Ugovorni organ je na osnovu Preporuke komisije br: 22-44-872-5/17 od 08.06. 2017. godine donio Odluka o izboru najpovoljnijeg ponuđača broj: 22-44-872-7/17 od 09.06.2017. godine kojom se Ugovor za javnu nabavku roba: Opreme za spašavanje i za krizne situacije, dodjeljuje Konzorciju FINANC d.o.o. – LUVETI d.o.o., prema ponudi br. 305/17 - FL, dostavljenoj dana 01.06.2017. godine za ponuđenu cijenu od 47.763,26 KM (slovima četrdesetsedamhiljadasedamstotinašezdesettri KM i 26/100) sa PDV- om, kao najpovoljnijem ponuđaču.

Na navedenu Odluku ponuđač AQVA BALKAN d.o.o. Konjic je uložio žalbu dana 14.06.2017 godine, a ista se odnosi na tačke 2.3 a), 2.3 c) i Tačku 3. Konkurentskog zahtjeva.

Prije nego što se upustio u meritorno odlučivanje po žalbi, ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se pristupilo njenom rješavanju, a odnose se na uslovljene pretpostavke u skladu sa članom 100. stav (1) Zakona o javnim nabavkama, odnosno na dopuštenost, blagovremenost i izjavljenost od ovlaštene osobe.

Ispitujući pravne pretpostavke za postupanje po predmetnoj žalbi, ugovorni organ je utvrdio da je žalba dopuštena, izjavljena od ovlaštene osobe i blagovremena.

Nakon utvrđivanja svih činjenica u postupku po ovoj žalbi ugovorni organ je utvrdio, da je žalba djelimično osnovana, te je u skladu sa odredbama člana 100. stav (3) Zakona o javnim nabavkama donio Odluku broj: 22-44-872-12/17 od 16.06.2017. godine i usvojio djelimično žalbu ponuđača. Ugovorni organ je utvrdio da je žalba djelimično osnovana i to u dijelu koji se odnosi na tačku 2.3 c) i tačku 3. Konkurentskog zahtjeva. Ponovljenim uvidom u dokument ponude ponuđača Konzorcij FINANC d.o.o. - Luveti d.o.o. vezano za ispunjavanje uslova iz tačke 2.3. c) Konkurentskog zahtjeva, za sigurnosnu kacigu i prsluk za spašavanje ne može se utvrditi da se radi o valjanom certifikatu jer dokument nema prevod na jedan od službenih jezika u BiH, a što je ponuđač bio u obavezi učiniti prema tački 3 Konkurentskog zahtjeva.

Žalba nije osnovana u dijelu koji se odnosi na tačku 2.3.a Konkurentskog zahtjeva jer se radi o "Nabavci i isporuci opreme za spašavanje i za krizne situacije".

S obzirom na naprijed navedeno ponuđač AQVA BALKAN d.o.o. Konjic je jedini kvalifikovani ponuđač u postupku javne nabavke: "Nabavka i isporuka opreme za spašavanje i za krizne situacije" te je na osnovu člana 100. stav 3) Zakona o javnim nabavkama BiH ("Službeni glasnik BiH" broj: 39/14), odlučeno kao u članu 2. Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu/Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Ul. Hamida Dizdara 1, 71000 Sarajevo.

Žalba se podnosi u najmanje 3 (tri) primjerka.

DIREKTOR

mr. Mustafa Kovač

Dostaviti:

1. Konzorcij FINANC d.o.o. – LUVETI d.o.o.
2. AQVA BALKAN d.o.o.
3. Sektoru za ekonomske poslove KUCZ KS
4. Ministarstvu finansija Kantona Sarajevo
5. a/a



E-mail: kucz@kucz.ks.gov.ba ; www.ks.gov.ba

Tel.: + 387 33/201-595 ; + 387 33/443-720; fax:033/560-453

71000 Sarajevo, Hamida Dizdara 1